

Sifilis, informacija za pacijente (21.10.2016.)

Brošura za zaštitu od zaraze (*smittskyddsblad*) liječnika za zaštitu od zaraze (*smittskyddsläkare*).

Zašto ste dobili ovu informaciju?

Vi ste zaraženi ili se sumnja da ste zaraženi sifilisom. Ova brošura sadrži informaciju o sifilisu, kako se liječi i šta morate raditi.

Što je sifilis?

Sifilis je bakterija koja se najčešće kači za sluzokože koje se nalaze u mokraćnom kanalu, rodnicu, čmaru ili ustima. Bakterija se također može nalaziti u krvi. Osoba može da ima sifilis nekoliko godina, bez znanja o tome.

Kako se sifilis dobija?

Sifilis se, prije svega, širi putem nezaštićenog polnog odnosa, kako odnosom putem rodnice tako i analnim odnosom, ponekad i oralnim seksom. Majka može da zarazi svoje dijete u toku trudnoće.

Sifilis se **ne** prenosi putem robe, peškira ili u toaletima jer bakterija ne može da preživi van tijela. Osoba može biti zaražena sifilisom nekoliko puta.

Može li se primijetiti da imate sifilis?

Većina zaraženih nema nikakvih simptoma. Tj. osoba često ne primjećuje da ima infekciju. Neki dobivaju ranu na ili pored polnog organa, u ustima ili na čmaru. Takve rane će najčešće zarasti nakon nekoliko sedmica. Neki dobivaju osip po tijelu, a često i po dlanovima i tabanima.

Čak i kad osoba nema simptome, sifilis je veoma zarazna bolest.

Da li je sifilis opasna bolest?

Bez liječenja, sifilis može dovesti do ozbiljnih oštećenja u čitavom tijelu.

Kako sifilis liječi?

Sifilis se liječi antibioticima (injekcije ili tablete). Ako redovno uzimate potrebne lijekove i ako pratite savjete koje ste dobili, infekcija će nestati. Terapija je besplatna.

Morate ponovo doći na prijemno odjeljenje, ako Vam je zakazana kontrola. Možda će biti potrebno izvaditi novi nalaz, kako bi se vidjelo da li je infekcija nestala.

Kada imate sifilis, **ne smijete rizikovati da zarazite nekog drugog**. Najsigurnije je nemati odnose ili neki drugi tip seksa, dok Vam liječnik ne kaže da ste izliječeni. Ako ipak imate seks, **morate** ispričati toj osobi da imate sifilis i **morate** koristiti zaštitu (kondom/femidom)

Da li nalazi pokazuju da sam nekad imala/imao sifilis

Ako se kasnije budete testirali na sifilis, uvijek će se vidjeti na testu da ste imali sifilis. Ali će druga vrsta testiranja na sifilis pokazati jeste li ponovno zaraženi.

Praćenje zaraze (smittspårning) – što to znači?

Veoma je važno pronaći one osobe koje imaju sifilis, kako bi iste dobile terapiju, djelimično zbog smanjenja rizika za oštećenja (pogledajte gore) a djelimično zbog sprečavanja širenja infekcije na druge.

Ako imate sifilis, morate zato ispričati onome koji se bavi praćenjem zaraze sa kim ste imali odnos/ seksualni kontakt, ponekad čak i do godine dana unazad.

To što ispričate osobi za praćenje zaraze je tajno (sekretess), a osobe koje pomenete neće saznati ko ste Vi. Saznaće samo da moraju da se testiraju.

Sifilis se nalazi u Zakonu za zaštitu od zaraze (*smittskyddslagen*) – što to znači?

U Zakonu za zaštitu od zaraze postoje pravila za pridržavanje kao npr. kako zaustaviti širenje bolesti, kao što je sifilis, na druge. Vi koji imate ili se sumnja da imate sifilis, **morate pratiti pravila za pridržavanje** (*förhållningsregler*), koja vam daje liječnik:

- Morate doći na kontrolu, ako vam liječnik tako kaže.
- Morate reći onome sa kim imate seks, da imate ili da možda imate sifilis.
- Morate koristiti zaštitu ako imate seks prije liječenja ili dok nalazi ne budu gotovi.

Ako ste dobili pravilo za pridržavanje, za koje mislite da je pogrešno, možete kontaktirati liječnika koji se bavi prevencijom zaraze u Vašem srezu.

Da li želite znati više?

Više informacija o sifilisu postoji na:

www.1177.se

www.folkhalsomyndigheten.se

www.umo.se (prijem za omladinu na Internetu)